

Herbstwanderung 2020 beim TSC Landau



Liewe Danzfreind,

däs ledschde halwe Johr hot uns alle jo net viel zum Lache g'schenkt!
Drum hämer uns uff'd Such gemacht un uns gedenkt, mer mache
was, was jeder gern dud. Unner Beachdung vun alle Uff'lache hämer
uns en luschiediche Wäch in Siwweldinge ausgsucht. Däs häßt fer Eich
im Klartexscht:

Unser diesjähriger Wandertag findet am **Sonntag 27. September 2020 10:30 Uhr** statt –

Treffpunkt: Weingut Johanneshof im Sonnenschein

(ehem. Weingut Dr. Steiner, bitte dieser Beschilderung nachfahren!)

Johanneshof 1

76833 Siebeldingen

Däs isch dann do ->




Vun dort aus welle mer mit Eich in de schene Weiräwe zwische de Ordschafde Siwweldinge, Alwerschweiler un Frankweiler rumlafe un die doll Aussicht genieße.

Obwohl die Wäch befeschdicht sin, isch's besser wenn ehr feschdes Schuhwerk aziehn!!! Stelld Eich uff a paa Steichunge ei. Mer wern jedoch erschdens däs Tembo abasse, un zwädens gibt's genuch Bänk zum zwische durch mol a Paus zu mache! Ausserdäm gibt's ach was zum „schmunzle“!



Zum Schluss welle mer mit Eich im Johanneshof noch a bissel gemeinsami Zeit verbringe - bei leckrem Flammkuche un was zu drinke!

Ach bei schlechdem Wetter si mer dord gud unnergebroot, nadirlich im Freie - awer iwverdacht! Un ach mit de iwliche Rehle. Wenn eich däs Brogramm zusacht, frä mer uns uff a Widersehe mit Eich!



Un damit mer wisse, wer alles kummt, wärs subber wan ihr uns bis 18.09.2020 Bescheid sacht.

per Email: joachim.boos@gmx.de



Un wanner noch froche dezu hän simer ach delefonisch unner 0172-7141482 fer eich do!